



IMFASHANYO IVA MW IJURU

CATEGUWE NA WATSON GOODMAN

GITANGWA KU BUNTU — NTIKIGURISHWA

IMFASHANYO IVA MW IJURU

“IMFASHANYO IVA MW IJURU” n’urutonde rw’imirongo ihwanye mu Vyanditswe Vyera kand’ iyo mirongo ikaba yatowe mu bice vyinshi vyo muri Bibiliya. Ndizera cane yukw igishobora gusobanura neza Ivyanditswe ari Bibiliya yonyene ubgayo.

Ijambo ry’Imana “riva mw ijuru” kandi rirafasha neza cane imitima ishonje kand’ inyotewe ivy’ ukugororoka. Igihe umuntu yihannye, agaheba icaha, maze agahamagara Umwami Yesu Kristo ngw abe mu mutima wiwe, kand’ akizeresha umutima wiwe wose Umwami Yesu Kristo kw ar’ Umukiza wiwe, uwo Mwami ubgowe azomwiyerekwa kand’ amuhe umumezero wiwe n’amahoro ayashire mu mutima w’uwizeye. Ivyo nabbonye mu mutima wanje mu mwaka wa 1937, kandi kuva ico gihe sindigera niyonjorora mur’ ico gitangaza co gufatanya n’Umwami wanje ngo ndakivemwo. Ndakwinginze mur’ aka kanya ngo wihe Yesu umwakire ngw abe Umukiza n’Umwami wawe namb’ utaribgabikore.

— Watson Goodman

Yohana 15:13

Nta wogira urukundo ruruta urw' uk' umuntu yigura abakunzi biwe.

Yohana 13:1

Umusi wa Pasika utarashika, Yesu amenye kw igihe ciwe gishitse co kuva mw isi ngw aje kwa Se, uko yakunda abiwe bari mw isi, ni ko yabakunze gushitsa ku muhero.

Ivyahishuriwe Yohana 1:5

No kuri Yesu Kristo, icabona co kwizigirwa, imfura y'abari barapfuye, üganza abami bo mw isi. Umwe adukunda, yatubohoje ivyaha vyacu amaraso yiwe.

Abaroma 5:8

Arikw Imana yatweretse urukundo rwayo idukunda, kuko Kristo yadupfiriye tukir' abanya-vyaha.

Yohana 3:16

Kuk' urukundo Imana yakunze abari mw isi ari rwo rwatumye itanga Umwana wayo w'ikinege, ng' ūmwizera wese ntaz' apfe rubi, arikw ahabge ubugingo budashira.

Yeremiya 31:3

Uhoraho yanyiyeretse kera, ati N'ukuri naragukunze urukundo rudashira; ni co gituma nkwiye-gerezanya imbabazi.

UBUMANA BGA YESU KRISTO

1 Timoteyo 3:16

Nta wuhakana yekw ibanga ryo kwubaha Imana ridahambaye cane, n'iri: umwe yerekanywe afise umubiri, akaboneka kw ar' umugororotsi mu mpwemu, akabonwa n'abamarayika, akamenye-kanishiwa mu banyamahanga, aki-zererwa mw isi, akaduzwa agaha-bga ubgiza.

Yohana 14:7-10a

Iyo muba mwarammenye, na Data muba mumuzi. Uhoreye ubu muramuzi, kandi mwamubonye. Filipo aramubgira, ati Mugenzi, twereke So, bizoba bi-haye. Yesu aramubaza, ati Mbega

ko nabanye namwe igihe kingana girtyo, nturakaruha ummenya ga Filipo? Ubonye jewe aba abonye Data: non' uvuga ute ngo Twereke So? Ntiwizeye ko jewe ndi muri Data, na Data ari muri jewe?

Yohana 1:1, 14

Ubga mbere na mbere Jambo yariho, kandi Jambo yahoranye n'Imana, kand' uwo Jambo yar' Imana. . . Kand' uwo Jambo yi-haye umubiri, abana natwe, twitegerezza ubgiza bgiwe, n'ubgiza bumeze nk'ubg' Umwana w'iki-nege ava kwa Se, yuzuye ubuntu n'ukuri.

YESU, UMWANA W'IMANA

3

Matayo 3:17

Buno rer' ijwa riva mw ijuru,
rit' Uyu ni we Mwana wanje nkunda,
akampimbara.

1 Yohana 4:15

Uwatura yuko Yesu ar' Umwana w'Imana, Imana iguma muri we, na we akaguma mu Mana.

Ab'i Kolosayi 2:9

Kuko muri we ari ho haba ukunengesera kwose kw'Ubumana mu buryo bg'umubiri.

Yesaya 9:6

Kuk' umwana atuvukiye, duhawe umwana w'umuhungu; ubutware buzoba ku bitugu vyiwe:

azokwitwa Igitangaza, Umujana-ma, Imana y'ubushobozi, Data wa twese ahoraho, Umukama w'amahoro.

Matayo 17:5

Akivuga, haza igicu gikayanga-na, kibatera igitütu; kand' ijwi riva muri nya gicu, riti Nguyu Umwana wanje nkunda, akampimbara; ni mumwumve.

Luka 1:35

Umumarayika aramwishura, ati Mpwemu Yera azokuzako, ubu-shobozi bg'Isumba vyose buzogutera igitütu: ni co gituma uwera azovuka azokwitwa Umwana w'Imana.

YESU YIMENYESHA UW' ARI WE

Yohana 4:25, 26

Nya mugore aramubgira, ati Ndazi ko Mesiya azoza yitwa Kristo; uwo ah' azozira ni we azoduserurira vyose. Yesu aramubgira, ati Ni jewe nyene turi-ko turavugana.

Yohana 11:25

Yesu aramubgira, ati Ni jewe kuzuka n'ubugingo. Ünyizera n' iyo yoba yarapfuye, azobaho.

Yohana 13:13

Munyiṭa Mwigisha na Shobuja, kandi mubivuga ko, kukw ari ko ndi.

Yohana 8:23

Na we arababgira, ati Mwebge mwamutse hasi, jeho namutse iyo

hejuru; mwebge mur'ab' iyi si, jeho sind' uw' iyi si.

Yohana 9:5

Nkiri mw isi, nd' umuco w'isi.

Yohana 10:7

Nuko Yesu yongera kubabgira, ati N'ukuri, n'ukuri ndababgire: Ni jewe rembo ry'intama.

Yohana 6:35

Yesu arababgira, ati Ni jewe mutsima w'ubugingo: ūza kuri jewe ntázosonza na mba, kand' ünyizera nta ho azogira inyota na mba.

Yohana 8:58

Yesu arababgira, ati N'ukuri, n'ukuri ndababgire: Aburahamu ataravuka, jewe namye ndiho.

Matayo 14:19-21

Abgiraabantu kwicara hasi ku vyatsi, yābīra ya mitsima itanu na za fi zibiri, ararangamiza, arāba mw ijuru, arabihezagira; amanyagura ya mitsima, aylha abigishwa, abigishwa bagaburira ishengero. Bararya bose, barahāga. Batororokanya utumanyagu tw'jimisigazwa twuzura ibisimbo cumi na bibiri. Kand' abāriye bār' abagabo nk'ibihumbi bitanu, uküyemw' abagore n'abana.

Luka 5:4-6

Ahejeje kuvuga, abarira Simoni, at' Igira mw idamba, muterere

insenga zanyu murobe. Simoni aramewishura, at' Erega Mwigisha, twakesheje ijoro ryose twātamye, nta co twafashe: ariko kubg' ijambo ryawe ndaterera insenga. Babigize, baroba ifi nyinshi cane, insenga zabo zigomba gucika.

Matayo 20:30, 34

Impumyi zibiri zari zicaye i ruhande y' inzira, zumvise yuko Yesu ahaciye ziratakamba, ziti Mwami, mwana wa Dawidi, tugirire imbabazi. . . Yesu azigirira akagongwe, akora ku maso yazo, zica zirahumūka, baramukurikira.

6 YESU KRISTO N'UMUREMYI KANDI N'UMWAMI

Ab'i Kolosayi 1:16

Kuko muri we ari ho vyose vyaremewe, ivyo mw ijuru n'ivyo mw isi, ibiboneka n'ibitaboneka, ur' intebé z'icubahiro, ur' ubgami, ur' ubukuru, ur' ububasha: vyose vyaremwe na we, biremerwa kuba ivyiwe.

Abaheburayo 1:2

Imana... mur' iyi misi y'iherezo yabaririye twebge mu kanwa k'Umwana wayo, uwo yashiriyeho kuba samuragwa wa vyose, ni we yahaye kurema isi.

Abaroma 14:9

Kukw icatumye Kristo apfa, akazuka, ar' ukugira ngw abe

Umwami w'abāpfuye kandi n'u'w' abariho.

Yohana 1:3

Vyose vyaremwe na we, mu vyaremwe vyose nta kintu na kimwe kitaremwe na we.

1 Ab'i Korinto 1:9

Imana n'iyo kwizerwa, yabahamagariye kugirirana ubumwe n'Umwana wayo Yesu Kristo Umwami wacu.

Ivyakozwe N'intumwa 2:36

Nukw abo mu muryango wa Isirayeli bose, ni bamenye badekekeranya yukw Imana yamugize Umwami na Kristo, Yesu umwe mwābamba.

YESU KRISTO N'UMUCAMANZA WA BOSE

7

Abaroma 14:10

Ariko weho, n'iki gituma uhi-nyura mwene So? Kandi nawe, n'iki gituma ukēngēra mwene So? Kuko twese tuzohagarara imbere y'intebe y'imanza y'Imana.

Ivyakozwe N'intumwa 10:42

Atugera kumenyesha abantu no gushinga intahe kw ari we Imana yashinze kuba Umucama-teka w'abariho n'abapfuye.

Abaroma 2:16

Ni ko bizoba ku musi Imana izocira amabanga y'abantu amateka muri Yesu Kristo, nk'uk' ubutumwa bgiza nahawe buvuga.

Matayo 25:32

Amahanga yose azokoranirizwa mu nyonga ziwe, na we azobaranura, nk'uk' umwungere arobanura intama mu mpene.

Yohana 5:22

Kuko Se ata n'umwe acira urubanza, arikw imanza zose yazishikiriye Umwana.

2 Timoteyo 4:1

Ndakwihanikiririza mu nyonga z'Imana no mu za Kristo Yesu azocirakw iteka abazoba bariho n'abazoba bapfuye, kandi no kubgo kuzoboneka kwiwe n'ubgami bgiwe.

UGUCUNGURWA KUBONERWA MURI KRISTO GUSA

1 Ab'i Tesalonike 5:9

Kukw Imana itādushiriye ho kulturakira, ariko yadushiriye ho gushwa agakiza n'Umwami wacu Yesu Kristo.

Yohana 10:9

Ni jewe rembo, kand' ūshika mu rugo wese aciye muri jewe arakizwa; agataha, agaturuka, akaronka icanya.

Yohana 14:6

Yesu aramubgira, ati Ni jewe nzira n'ukuri n'ubugingo: nta wushika kuri Data ntamujanye.

Abaheburayo 7:25

Ni co gituma ashobora gukiza rwose abashikira Imana kubgiwe,

kuko na ntaryo yamaho ngw abasabire.

Ivyakozwe N'intumwa 4:12

Kandi nta wundi agakiza kabonewamwo, kukw ata rindi zina musi y'ijuru ryāhaweabantu dukwiye gukirizwamwo.

Yohana 8:24

Ico ni co gitumye mbabgira ko muzopfira mu vyaha vyanyu; kuko ni mutizera ko ndi We, muzopfira mu vyaha vyanyu.

Abaheburayo 5:9

Kand' amaze guhīngūrwa rwose, abera abamwumvira bose inyanduruko y'agakiza kadashira.

UGUCUNGURWA KUBONERWA MURI KRISTO GUSA

Luka 19:10

Kand' Umwana w'umuntu ya-zanywe no kurondera no gukiza icari cazimiye.

1 Ab'i Korinto 1:30

Ni yo ibaha kuba muri Kristo Yesu, yaduhindukiye ubgenge bu-va ku Mana, n'ukugororoka n'ukwezwa n'ugucungurwa.

Ab'i Kolosayi 1:12-14

Mushime Data wa twese ya-bashoboje kuraganwa n'abera umwandu wo mu muco; yadukijiye ububasha bg'umwiza, atwi-murira mu bgami bg' Umwana wiwe akunda. Mur' uwo ni ho du-

fise ugucungurwa, ni kwo guha-rirwa ivyaha vyacu.

Ivyahishuriwe Yohana 5:9

Baririmba indirimbo nsha, bati Birakubereye kwābīra igitabo, no kumena ibikimataniye, kuko wi-shwe, ugacungurira Imana abo mu miryango yose no mu ndimi zose no mu moko yose no mu mahanga yose, ubacunguje amaraso yawe.

Tito 2:14

Yatwiguze kugira ngw aducu-ngure, adukūrekw ivyo twagabita-nije vyose, kandi yihumanurire ubgoko ngo babe icibare ciwe, barwane ishaka ry'ibikorwa vyiza.

INCUNGU Y'AMARASO YA KRISTO

Abaroma 5:9

Nuko none tumaze gutsindani-shirizwa n'amaraso yiwe, tuzorushiriza guheshwa na we gukizwa uburake bg' Imana.

1 Yohana 1:7

Ariko tugendeye mu muco, nk'uko na yo iri mu muco, tuba du-fatanije ubgacu, kand' amaraso ya Yesu Umwana wayo atwoza icaha cose.

1 Petero 1:18, 19

Muzi yukw ivyo mwacungujwe ngo muve mu ngeso zanyu z'imburakimazi mwatojwe na ba sogokuruza atar' ibishira, nk'ifeza cank' izahabu, ariko mwacungu-

jwe amaraso y'igiciro kinini, nk'ay' umwagazi w'intama utagira agasembga cank' ibara, ni yo ya Kristo.

Abaheburayo 9:14

Mbeg' amaraso ya Kristo, uwo yitanze ku Mana atagira agasembga, abitewe na Mpwemu ahoraho, ntazorushiriza guhumannura imitima yanyu ngw ibikorwa vy'impfagusa biyivemwo, kugira ngo mubone ingene murkorera Imana nzima?

Abanyefeso 1:7

Muri we ni ho duhērwa gucungurwa n'amaraso yiwe, ni kwo guharirwa ibicumuro vyacu, nk'ukw itunga ry'ubuntu bgayo riri.

Abanyefeso 2:8, 9

Ubuntu ni bgo bgabakijije kubg' ukwizera: na vyo nyene ntivyavuye kuri mwebge, n'ingabire y'Imana; ntivyavuye ku bikorwa, kugira ngo hoye kugira uwirarira.

Abaroma 5:1

None rero, ko twatsindanishirijwe no kwizera, dufise amahoro ku Mana kubg' Umwami wacu Yesu Kristo.

1 Yohana 5:4

Kukw icavyawe n'Imana cose kinesha isi; iyi ni yo ntsinzi yacu yatsinze isi, n'ukwizera kwacu.

Yohana 6:28, 29

Baramuhaza, bati Tugire dute ngo dukore ibikorwa vy'Imana?

Yesu na we arabishura, at' Igikorwa c'Imana ngiki: n'uko mwizera uwo yatumye.

Yohana 20:31

Arikw ibi vyandikiwe kugira ngo mwizere yuko Yesu ari we Kristo, Umwana w'Imana, no kugira ngo mwizeye mugire ubungingo mw izina ryiwe.

Ivyakozwe N'intumwa 16:31

Baramwishura, bat' Izere Umwami Yesu, urakira, mwe n'abo mu nzu yawe.

Ab'i Galatiya 5:6

Kuko muri Kristo Yesu, ar' ugurkebga, ar' ukudakebga, bitagira ikimazi; ikigira ikimazi n'ukwizera gukoreshwa n'urukundo.

IKIGONGWE C'IMANA

Zaburi 103:11

Nk'ukw ijuru ryitanguye isi,
Ni kw ikigongwe agirira abamwubaha kingana.

Zaburi 108:4

Kuskw imbabazi zawe ari nyinshi zigera hejuru y' amajuru;
Ukuri kwawe gushika no mu bicu.

Gucura Intimba 3:22, 23

N'ukw imbabazi z'Uhoraho ari zo zatumye tudaherenegetezwa,
kukw ikigongwe ciwe kidahera:
Cama ari gisha uko bukeye;
ingen' ar' umwizigirwa biratangaje.

Tito 3:5

Iradukiza, itadukirishiye ibikorwa vyo kugororoka twakoze,

ariko, nk'ukw imbabazi zayo ziri,
idukirisha ukwozwa kuzana ukuvyarwa ubga kabiri, ikadukirisha uguhindurwa basha na Mpwemu Yera.

Mika 7:18

N'iyyihe Mana ihwanye nawe,
iharira ibigabitanyo, fikirengagiza igicumuro c'amasarira y'abo yiziziye? Ntuhorana uburake imisi yose, kuk' uhimbarwa no kugira imbabazi.

Zaburi 103:17

Arikw imbabazi Uhoraho agirira abamwubaha zahereye kera hose, zikazoshitsa ibihe vyose, Kand' ukugororoka kwiwe kuzoshitsa no ku buzukururuza babo.

Yohana 7:37

Nuko ku musi uherūkira ya misi mikuru, ni wo musi uruta iyindi, Yesu arahagarara, araserera, ati Namba har' ūfise inyota, n'aze kuri jewe, anywe.

Ivyahishuriwe Yohana 22:17

Kandi Mpwemu bo na wa mugeni barahamagara, bati Ngwino. Kand' uwumva n'ahamagare, ati Ngwino. Kand' ūfise inyota n'aze, ūgomba ni yākīre amazi y' ubugingo ku buntu.

Yesaya 1:18

Enda ni muze, twitātūre, ni k'Uhoraho agize; nah' ivyaha vyanyu vyotukura tukutuku, bizokwera derere nka shelegi; naho

vyotukura nk'agahama, bizohinduka nk'ubgoya bg'intama y' umwero.

Matayo 11:28

Ni muze kuri jewe mwese abananiwe n'abaremerewe, ndabaruhabura.

Luka 14:17

Igihe co kurya gishitse, atuma umushumba wiwe kubarira abātowe, ngo Ni muze, kuko bihejeje gutegurwa.

Yesaya 55:1

Yemwe abafise inyota, ni muze ku mazi, kandi n'ūdafise amahera na we n'aze; ni muze mugure, murye; ni mugure vino n'amata, mudatanze amahera cank' ibiguzi.

1 Yohana 3:10

Iki ni co kimenyekanisha abana b'Imana n'abana b'Umurwanizi: ūdakora ibigororotse wese s'uw' Imana, cank' ūdakunda mwene Data wundi.

Abaroma 8:14, 15

Abarōngōrwa na Mpwemu w'I-mana bose ni bo bana b'Imana. Kuko mutāhawe impwemu y' ubuja ngo mwongere gutinya; ari-ko mwāhawe impwemu yo kuba-hindura abana b'Imana, idutaki-sha ngo Abba, Data.

Ab'i Filipi 2:15

Kugira ngo ntimugire umugayo cank' akarohe, mube abana b'I-

mana batagira agasembga, hagati y'ab' iki gibe bagoramye b'ibida-mbidambi, abo mubonekeramwo nk'amatara mw isi.

Yohana 1:12

Arikw abāmwākiriye bose ya-bahaye ububasha bgo gucika aba-na b'Imana, ni bo bizeye izina ryiwe.

2 Ab'i Korinto 6:17, 18

Nuko muve hagati ya ba bandi, Mubitandukanyeko, ni k'Uhoraho agize, Kandi ntimugakore ku ki-ntu gihumanya na kimwe; Nanje nzobākira, Kandi nzohabera So, Namwe muzombera abahungu n'abakobga, Ni k'Uhoraho ashobora vyose agize.

ICO IMANA IVUGA KU VYEREKEYE IBIBOREZA 15

Ab'i Galatiya 5:19-21,

Kand' ibikorwa vy'akamereme-
re, kacu biramenyekana, n'ibi:
ubushakanyi, ibihumanya, ivy'
isoni nke, gusenga ibigirwamana,
uburozi, ubgansi, intonganya,
ishari, uburake, ikēba, kwitandu-
kanya, ibice, igeno, kuborerwa,
kudandahirwa, n'ibindi ben' ivyo.
Ivyo ndabibaburiye, nk'uko nabi-
baburiye kera, yukw abakora ibisa
birtyo batazoragwa ubgami bg'
Imana.

Yesaya 5:11

Bazobona ibara, abazindurwa
mu gatondo no kwirukira ibibore-

za, bakarāra kw ijoro gushitsa
vino ibaboreje!

Abaroma 13:13, 14

Tugendane ingeso nziza, nk'
abagenda ku murango, tutadanda-
hirwa, tutaborerwa, tudasamba-
na, tudakora ivy' isoni nke, tuda-
tongana, tutagira ishari. Ariko
mwambare Umwami Yesu Kri-
sto, kandi ntimubabare ivy' umu-
birí, ngo mukore ivyo wifuza.

Imigani 23:31, 32

Ntukitegereze vino iy' itukuye,
Iy' ica ibibatsi mu kirahuri, Iga-
shōka neza: Uburuhiro iryana
nk'inzoka, Igakomora nk'imvuyi,

16 KUGIRA ICO WIZEYE

KWONYENE NTIGUHAGIJE

Matayo 22:37, 38

Aramewishura, ati Mukundishe Uhoro ho Imana yanyu imitima yanyu yose n'ubugingo bganyu bgose n'ubgenge bganyu bgose. Iryo ni ryo rihambaye rya mbere.

Mariko 10:17-22

Agisohoka ngw akomeze urugendo, haza umuntu kuri we yirukanga, aramupfukamira, aramubaza, ati Mwigisha mwiza, nkore iki, ngo nze ndagwe ubugingo budashira? Yesti aramuba za, at' Unyitira iki mwiza? Nta mwiza. atar' umwe, ni we Mana. K'uzi ivyagezwe, ngo Ntukice,

ntugasambane, ntukibe, ntukagirize abandi ibinyoma, ntukagunge, wubahe so na nyoko. Aramubgira, ati Mwigisha, ivye vyose naravyitondeye, mpereye mu buto bganje. Yesu amwitegereje aramukunda, aramubgira, at' Uhajije kimwe: genda, ushore ivy' utunze vyose, ugabire aboro, ni ho uzogira itunga mw ijuru, utek' uze, unkurikire. Yumvise iryo jambo arijirwa, agenda ababaye, kuko yar' afise itunga ryinshi.

Imigani 16:25

Harih' inzira umuntu yibgira kw ari nziza, Arikw amaherezo yayo n'inzira ishikana mu rupfu.

NTIMUHENDWE

1 Ab'i Korinto 6:9, 10

Ntimuzi yukw abagabitanya batazoragwa ubgami bg'Imana? Ntimuzimire: abashakanyi, cank' abasenga ibigirwamana, cank' abasambanyi, cank' abagabo bendwa, cank' abagabo bendana, cank' ibisuma, cank' abifuza, cank' imborerwa, cank' abatukana, cank' abanyazi, ntibazoragwa ubgami bg'Imana.

1 Yohana 3:7, 8a

Bana bato, ntihakagire ūbazimiza: ūkora ibigororotse ni we agororoka, nk'uk' uwo agororoka. Úkora ivyaha n'uwa wa Mu-

rwanizi, kuk' uhoreye ubga mbere na mbere uwo Murwanizi yamye akora ivyaha.

Yakobo 1:22

Kandi mube abakora ivy' iryo jambo, ntimube abaryumva gusa, mwibesha.

Ab'i Galatiya 6:3

Umuntu ni yiyumvira kw ar' agakomeye, kand' ata co amaze, aribesha.

Abanyeefeso 5:6

Ntihakagire umuntu abahendsha amagambo y'ubusa: kukw ivyo ari vyo bizanira uburake bg'Imana abantu b'intabarirwa.

Yakobo 1:15

Maz' ukwo kwifuza gutwara
inda, kukavyara icaha, icaha ki-
maze gukura kikavyara urupfu.

Abaroma 8:6

Kwitwaririka ivy' umubiri ku-
zana urupfu, ariko kwitwaririka
ivy' impwemu kuzana ubugingo
n'amahoro.

Ezekiyeli 18:20

Umuntu akora icaha ni we
azopfa: umwana ntazozira ibiga-
bitanyo vya se, na se ntazozira
ibigabitanyo vy'umwana wiwe;
ubugororotsi bg'umugororotsi a-
zobuharūrwako, ivyaha vy'umu-
nyavyaha azobiharūrwako.

Abaroma 5:12

None rero ko bimeze birtyo,
nk'ukw icaha cazanywe mw isi
n'umuntu umwe, urupfu rukaza-
nwa n'icaha, ni k'urupfu rushika
ku bantu bose, kuko bose bākoze
ivyaha.

Luka 15:32

Arikw akanyamuneza no guhi-
mbarwa biratubereye: kuko mu-
rumunāwe uyu yari yarapfuye,
non' arazutse; yari yarahavye,
non' arahabutse.

Imigani 11:19

Ubugororotsi bushikana umu-
ntu ku bugingo, Arik' ūkurikirana
ikibi aba yikwegera urupfu.

Yohana 11:43, 44

Amaze kuvuga ivyo, asemere-ra n'ijwi rirenga, ati Lazaro, ngwino, sohoka. Uwari yāpfuye arasohoka, azingiriwekw impuzu ku maguru no ku maboko, n'igitambara gipfutse mu maso hiwe. Yesu arababgira, ati Ni mumuhamburure, mumureke, agende.

Ivyahishuriwe Yohana 1:18

Kandi ndi muzima; nari nara-pfuye, kandi rāba mpora ndi mu-zima ibihe bitazoshira, mfise impfunguzo z'urupfu n'iz' i ku-zimu.

Luka 7:14, 15a

Yigira hafi y'ikigagara, agikorako, abahamvyi barahagarara. Aravuga, ati Muhungu, ndakubariye nti Vyuka. Uwari yapfuye aravyuka, aricara, atangura ku-vuga. . .

Yohana 10:17, 18

Igituma Data ankunda, n'uko ndekura ubugingo bganje, ngo mpeze nsubire kubgābīra. Nta n'umwe abunyaka, kuko mbure-kura kubganje: mfise ububasha bgo kuburekura, mfise n'ububa-sha bgo gusubira kubgābīra. Ico ni co cagezwe nahawe na Data.

**Gusubira Mu Vyagezwe
5:7-21**

Ntukagire izindi mana umbangikanya.

Ntukibazire igishushanyo, cank' igisa n'ishusho y'ikintu na kimwe kiri hejuru mw ijuru, canke hasi kw isi, canke mu mazi yo mu biyaga; ntuz' uvikubite imbere, ntuz' ubisabe. . .

Ntugapfe kuvuga izina ryanje, jewe Uhoraho Imana yawe, ku vy'ubusabusa, kuk' uworivuga ku vy'ubusabusa, jewe Uhoraho ntobura kubimuhora.

Uze witondere umusi w'isabato, kugira ng' uwuziririze, nk'uko jewe Uhoraho Imana yawe nabi-

kugeze. Mu misi itandatu az' abe ari yo ukoreramw' ibikorwa vyawewe vyose: arik' umusi ugira indwi ni wo sabato yanje, jewe Uhoro-ho Imana yawe.

Wubahe so na nyoko, nk'uko jewe Uhoro-ho Imana yawe nabikugeze. . .

Ntukice. Kandi ntugasambane. Kandi ntukibe. Kandi ntukagirize ibinyoma mugenzawe.

Kandi ntukifuze umugore wa mugenzawe, ntukifuze inzu ya mugenzawe, cank' itongo ryiwe, cank' umugurano wiwe, cank' umuguranokazi wiwe, cank' inka yiwe, cank' indogoba yiwe, cank' ikintu na kimwe ca mugenzawe.

Luka 8:17

Kukw'ata canyegejwe kitazozanwa ababona, cank' icagizwe ibanga kitazomenyekana kikaja ababona.

Zaburi 139 8 na 12

Nodūga nkaja mw ijuru, uriyo:
Nokwisasira i kuzimu, eh' uriyo.
... N'umwiza na wo ntugira ico
woguhisha, Ariko mw ijoro ha-
bona nko ku murango; Umwiza
n'umuco kuri wewe ni bimwe.

Yobu 34:21, 22

Kukw inyonga zayo ziri ku
nzira z'umuntu, Kandi yitegereza
urugendo rwiwe rwose. Nta mwi-
za cank' igitūtu c' urupfu Ah'

abakora ivy' ukugabitanya bosho-
bora kwinyegeza.

Yeremiya 23:24

Har' uwoshobora kwinyegeza
abantu hihishiye ngo nanje sinda-
mubone? ni jewe Uhoraho mbi-
bajije. Mbega sinkwiye ijuru n'isi?
ni jewe Uhoraho mbibajije.

Abaheburayo 4:13

Kand' imbere yayo nta care-
mwe gihishijwe, ariko vyose vya-
mbaye ubusa, biragaragara, imbe-
re y'inyonga z'Iyizotubaza ivyo
twakoze.

Imigani 15:3

Inyonga z'Uhoraho zir' ahantu
hose, Zitegereza ababi n'abeza.

IGIHANO KIDASHIRA KIZOHABGA ABATUBAHA IMANA

2 Petero 3:7

Arikw amajuru y'ubu, bo n'isi, iryo jambo ryabibikiye kuzosha, kugira ngo birindwe gushitsa ku musi w'amateka, wo gutikira kw'abatubaha Imana.

Zaburi 9:17

Abanyakibi bazosubizwa i kuzimu, Mbere n'amahanga yose yibagira Imana.

Matayo 18:8

Ukuboko kwawe cank' ikirenge cawe ni hagira ikigutsitaza muri vyo, ugice, ugite kure; vyo-kubera vyiza kwinjira mu bugi-

ngo ucitse igikonjo cank' ikirenge, hak' uteretwa mu muriro utazima ufise amaboko yompi n'ibirenge vyompi.

Matayo 25:46

Abo bazoja mu gihano kidashira, arikw abagororotsi bazoja mu buggingo budashira.

Matayo 13:41, 42

Umwana w'umuntu azotuma abamarayika biwe, na bo bazotororokanya ibitsitaza vyose n'abakoze ibizira, babiküre mu bgami bgiwe. Bazobaterera mw itanure ry'umuriro, ni ho hazoba amarira no kuranya insya z' amenyo.

Ivyakozwe N'intumwa 17:31

Kuko yashinze umusi wo guci-rakw isi yose amateka y'ukuri, izoyacisha umuntu yatoranje, kandi yahaye bose ikimenyamenya c'ivyo, mu kumuzura imuküye mu bapfuye.

Abaroma 14:12

Nuko rero, umuntu wese muri twebge azobazwa n'Imana ivyo yakoze.

1 Yohana 4:17

Ico ni co kimaze guhingura urukundo muri twebge, kugira ngo tuze dushire ubgoba ku musi w'amateka, kuk' ukw ari, ari ko turi mur' iyi si.

Abaheburayo 9:27

Kandi nk'ukw abantu bābikiwe gupfa rimwe, hanyuma yaho hakaza amateka.

2 Ab'i Korinto 5:10

Kuko twese tutazobura kugaragizwa imbere y'intebe y'amateka ya Kristo, kugira ng'umuntu wese ahabge ibihwanye n'ico yakoze akiri mu mubiri, ari ciza ari kibi.

2 Petero 2:9

Umwami Imana arazi gukiza abamwubaha ibibagerageza, no kurinda abagabitanya bahanwa gushitsa ku musi w'amateka.

2 Ab'i Korinto 9:15

Imana ishimirwe ingabire yayo nziza itovugwa.

1 Petero 5:5b

. . . kukw Imana irwanya abi-bona, arikw abicisha bugufi ika-baha ubuntu.

2 Ab'i Korinto 8:9

Kuko muzi ubuntu bg'Umwami wacu Yesu Kristo, yuko naho yar' umutunzi, yahindutse umwo-ro kubganyu, kugira ng'ubgoro bgiwe bubatungishe.

Ivyakozwe N'intumwa 4:33

Kand' intumwa zāshingira inta-be ukuzuka kw'Umwami Yesu

ziri n'ubushobozzi bginshi, kand' ubuntu bg'Imana bginshi buba kuri bo bose.

Abaroma 9:16

Ni co gituma bitava ku kugomba kw'umuntu, canke ku gushimika kwiwe, ariko biva ku Mana igira ikigongwe.

Abaroma 5:15

Arikw ingabire y'Imana ntima-
ra nka ca gicumuro. Kw igicu-
muro c'umwe catumye abensi
bapfa, ubuntu bg'Imana n'inga-
bire y'ubuntu bg'umuntu umwe
Yesu Kristo vyarushirije gusāgu-
ka kuri benshi.

UKWIHANA

Ivyakozwe N'intumwa 3:19
Nuko mwihami, muhindukire,
ivyaha vyanyu bihanagurwe, ibi-
he vyo guhembuka bibone ingene
biza, bivuye mu nyonga z'Umwa-
mi Imana.

Ivyakozwe N'intumwa 17:30

Nukw iyo misi y'ubutamenya,
Imana yarayirengagije, ariko no-
neho, igera kw abantu bose bari
hose bihana.

Luka 13:3

Ndababgire, Si ko biri; ariko
ni mutihana, namwe muzohona
muryo mwese.

Ivyakozwe N'intumwa 2:38

Petero arabishura, ati Ni mwi-
hane, umuntu wese muri mwebge

abatizwe mw izina rya Yesu Kri-
sto, mubone guharirwa ivyaha
vyanyu, kandi muzohabga inga-
bire, ari yo Mpwemu Yera.

Matayo 3:2

Ati Mwihami, kuk' ubgami
bgo mw ijuru buri hafi.

Imigani 28:13

Upfukapfuka ibigabitanyo vyi-
we ntazoronka umugisha, Arik'
üvyihana akabireka azogirirwa
ikigongwe.

2 Ab'i Korinto 7:10

Umubabaro wo mu buryo bg'
Imana utera ukwihana kuticuzwa,
kuzana agakiza: arik' umubabaro
wo mu buryo bg'isi utera urupfu.

UGUHARIRWA IVYAHYA

Ivyahishuriwe Yohana 3:20

Ehe mpagaze ku rugi, ndaramukije. Umuntu ni yumva ijwi yanje, akugurura urugi, ndinjira i we, dusangire.

Mariko 2:5

Yesu abonye ukwizera kwabo, abgira ico kimuga, ati Mwana wanje, ivyaha vyawe urabihiwe.

Ezekiyeli 18:21

Arik' umunyavyaha ni yahindukira akava mu vyaha vyiwe vyose yakora, akitondera ivyagezwe vyanje vyose, agakora ibitunganye n'ibikwiye, n'ukuri azobaho, ntazopfa.

Matayo 6:14

Kuko ni mwaharira abantu ivyaha vyabo, na So wo mwifjuru azobaharira namwe.

Ivyakozwe N'intumwa 5:31

Uyo Imana yaramushize hejuru n'ukuboko kwayo kw'i buryo, ngw abe Umukuru n'Umukiza, ngw ahe Abisirayeli kwhana no guharirwa ivyaha.

Yesaya 55:7

Umunyavyaha n'areke inzira yiwe, ūgabitanya areke ivyiyumviro vyiwe: agaruke k'Uhoraho, na we aramugirira ikigongwe, agaruke ku Mana yacu, kukw ikunda guharira.

UKWITANDUKANYA N'IVY' ISI

Tito 2:11, 12

Kuk' ubuntu bg'Imana bgaserutse, buzanira abantu bose agakiza, butwigisha kwikunkumura ukutubaha Imana n'ukwifuza ivy' isi, bukatwigisha kwama tudahugumba, tugororoka, twubaha Imana, mu gihe ca none.

Yesaya 1:16

Ni mwiyuhagire, mwitunganye, mukureh' ibibi vyo mu bikorwa vyanyu bive mu nyonga zanje; mureke gukora ibibi.

1 Yohana 2:15, 16

Ntimugakunde isi, cank' ibiri mw isi. Umuntu ni yakunda isi, ugukunda Data wa twese ntiku-zoba kuri muri we. Kukw ikiri

mw isi cose ar' ivyifuzo vy'umbiri, n'ivyifuzo vy'amaso, n'ubgibone bg'ubu bugingo, bitanduruka kuri Data wa twese, ariko vyanduruka mw isi.

Ab'i Kolosayi 3:2

Mushire imitima ku biri hejuru, ntimuyishire ku biri mw isi.

Abanyefeso 5:11

Kandi ntimugafatanye n'ibikorwa birumvye vy'umwiza, ariko cane-cane mubiserure.

2 Timoteyo 4:10

Dema yarantaye, kukw akunze iyi si ya none, yigira i Tesaloni-ke: Keresikenti yagiye i Galatiya: Tito yagiye i Dalumatiya.

1 Yohana 2:29

Ko muzi yuk' uwo ar' umugororotsi, murazi yuk' ūkora ivy' ukugororoka wese yavyawe na we.

1 Petero 1:23

Kuko mwavyawe ubga kabiri, mutavyawe n'imbuto ibora, ariko mwavyawe n'imbuto itabora, mu-biheshejwe n'ijambo ry'Imana ri-riho rigahoraho.

2 Ab'i Korinto 5:17

Nuko rer' umuntu wese iy' ari muri Kristo, aba ar' icaremwe gisha: ivya kera biba bihise, vyose biba bicitse bisha.

Yohana 3:3

Yesu aramwishura, ati N'ukuri, n'ukuri ndakubgire: Iy' umuntu atavyawe ubga kabiri, ntashobora kubona ubgami bg'Imana.

1 Yohana 5:18

Turazi yuk' umuntu wese avya-we n'Imana adakora ivyaha, arik' umwe yavyarwa n'Imana aramu-zigama, kandi wa Mubi ntamu-korako.

Ezekiyell 36:26

Kandi nzobaha umutima mu-sha, mbashiremw' impwemu nsha; nzokūra umutima ukomeye nk'jibuye mu mibiri yanyu, mbahe umutima woroshe nk'inyama.

DUPFUYE KU VYAH—TUZOKIYE MURI KRISTO 29

Abanyefeso 2:1 na 6

Namwe yarabagize bazima, hamwe mwari mupfuye mwishwe n'ibicumuro n'ivyaha vyanyu. . . yatuzuranye na we, itwicarikana na we ahantu ho mw ijuru, turi muri Kristo Yesu.

Ab'i Kolosayi 3:1

None rer' asangwa mwarazuranywe na Kristo, murondere ibiri hejuru, iyo Kristo ari, avyagiye i buryo bg'Imana.

1 Petero 2:24

Ubbiwe yikoreye ivyaha vyacu mu mubiri wiwe, abambge ku git, kugira ngo dupfuye ku vyaha tubebo ku kugororoka; inguma ziwe ni zo zabakijje.

Abaroma 6:2 na 11

Twebge twapfuye ku caha, twoba tukikibamwo dute? . . Abari ko namwe mwiyumvira komwāpfuye ku caha, ariko ko muraho mur' ab' Imana, muri muri Kristo Yesu.

Ab'i Kolosayi 2:13

Kandi hamwe mwari mugipfuye mwishwe n'ibicumuro vyanyu n'ukudakebga kw'imibiri yanyu; yabagiranye bazima na we, imaze kuduharira ibicumuro vyacu vyo se.

Ab'i Galatiya 5:24

Kand' aba Kristo Yesu bābamanye akameremere kabon'i vyo gahahamiye n'ivyo kifuza.

UBUGINGO BUDASHIRA

Yohana 17:3

Ubu ni bgo bugingo budashira,
ko bamenya wewe, Imana yo-
nyene y'ukuri, n'uwo watumye,
Yesu Kristo.

Yohana 3:36

Uwizeye Umwana arafise ubu-
gingo budashira, arik' ūtumvira
Umwana ntazobóna ubugingo,
arik' uburake bg'Imana buguma
kuri we.

Yohana 3:14, 15

Kand' uko Mose yamanitse
inzoka mu bugaragwa, ni k'U-
mwana w'umuntu akwiye kuma-
nikwa, ng' ūmwizera wese aha-
bge ubugingo budashira.

Ab'i Galatiya 6:8

Ūbiba mu burye bg'umubiri
azokwimbura ukubora mu mu-
biri; arik' ūbiba muri Mpwemu
azokwimbura muri Mpwemu ubu-
gingo budashira.

Abaroma 6:23

Ingero y'icaha n'urupfu; arikw
ingabire y'Imana n'ubugingo bu-
dashira, bubonerwa muri Kristo
Yesu Umwami wacu.

Yohana 5:24

N'ukuri, n'ukuri ndababgire:
Uwumva ijambo ryanje, akizera
uwantumye, ni we afise ubugingo
budashira, kandi ntazoshirwa mu
rukinja, arikw aba avuye mu
rupfu, ashitse mu bugingo.

Ab'i Galatiya 4:6

Kandi kuko mur' abana bayo,
Imana yatumye Mpwemu w'U-
mwana wayo mu mitima yacu,
ataka, ati Abba, Data.

Yohana 14:21

Uri n'ivyagezwe vyanje aka-
vyitondera, uwo ni we ankunda,
kand' ūnkunda azokundwa na
Data, nanje nzomukunda, kandi
nzomwihihurira.

Yesaya 32:17

Ubugororotsi buzovyara ama-
horo, kand' ubugororotsi buzo-
zana ugutekereza n'ivyizigiro gu-
shitsa ibihe bidashira.

Abaroma 8:16

Mpwemu ubgiwe abgiririkanya
n'impwemu yacu, ar' icabona,
yuko tur' abana b'Imana.

1 Yohana 3:18, 19

Bana bato, ntidukundane mu
majambo canke ku rurimi, ariko
dukundane mu vyo dukora no
mu kuri. Ico ni co kizotumenye-
sha ko tur' ab' ukuri, kandi tu-
zoshitsa umutima mu nda imbere
yayo.

1 Yohana 4:13

Iki ni co kitumenyesha yuko
tuguma muri yo, na yo ikaguma
muri twebge, n'uko yaduhaye
kuri Mpwemu wayo.

KRISTO ABAYE MURI TWEBGE ADUHA UMUNEZERO

Yohana 17:13

Ariko none ndaje kuri wewe,
kand' ibi mbivuga ndi mw isi,
kugira ngo bagire umunezero
wanje wuzure muri bo.

Ab'i Galatiya 2:20

Nabambanywe na Kristo, ariko ndiho; yamara si jewe nkiriho, ni Kristo ariho muri jewe. Ivyo nkora vyose nkiriho mu mubiri mbikoreshw no kwizera Umwana w'Imana yankunze, akanyigura.

Yesaya 12:3

Ni co gituma muzovomana
umunezero mu mariba y'agakiza.

Yohana 15:11

Ivyo mbibabgiye, kugira ng' umunezero wanje ube muri mwebge, kandi n'umunezero wanyu wuzuzwe.

Zaburi 16:11

Uzondangira inzira y'ubugingo:
Mu nyonga hawe ni ho har' aka-
nyamuneza kuzuye; Mu kuboko
kwawe kw'i buryo hahora ibi-
himbaye ibihe bidashira.

Abaroma 14:17

Kuk' ubgami bg'Imana atar'
ukurya n'ukunywa, ariko n'uku-
gororoka, n'amahoro, n'umune-
zero vyo muri Mpwemu Yera.

Abaroma 2:13

Kukw abumvise ivyagezwe atari bo bagoroka imbere y'Imana, abavyumviye ni bo bazotsindanishirizwa.

Abaroma 6:16

Ntimuzi yuko shobuja mwihaye kuba abagurano bo kumwumvira, mur' abagurano b'uwo mwumvira uwo? Namba mur' abagurano b'icaha kizana urupfu, cank' abo kwumvira Imana kuzana ukugororoka.

2 Ab'i Tesalonike 1:7-9

No kwishura mwebge abayaterwa kuruhukana natwe, ah' Umwami Yesu azohishurirwa, ava mw ijuru, azananye n'abamara-

yika b'ubushobozi bgiwe, hagati mu muriro waka, yishure guhōrwa abatāmenye Imana n'abatumvira ubutumwa bgiza bg'Umwami wacu Yesu. Bazohanwa, ni kwo guhona kw'ibihe bidashira, kuva mu nyonga h'Umwami no mu bgiza bg'ubushobozi bgiwe.

Gusubira Mu Vyagezwe 11:26-28a

Rāba, uyu musi mbashize imbere umugisha n'umuvumo: uwo mugisha muzowuhabga ni mwitondera ivyagezwe vy'Uhoraho Imana yanyu, ivyo mbagera uyu musi; uwo muvumo muzwuvumwa ni mutumvira ivyagezwe vy'Uhoraho Imana yanyu...

UKWATURA KRISTO KURAKWIYE

Ab'i Filipi 2:11

Kand' indimi zose zize zature yuko Yesu Kristo ar' Uhoraho, ngo biheshe Imana Data wa twese icubahiro.

Matayo 10:32, 33

Umuntu wese azonyaturira imbere y'abantu, nanje nzomwaturira imbere ya Data wo mwijuru. Arik' umuntu wese azonyihakanira imbere y'abantu, nianje nzomwhakanira imbere ya Data wo mw ijuru.

Abaroma 10:9, 10

Kuko ni wāturisha akanwa yuko Yesu ar' Umwami, ukizera mu mutima yukw Imana yamu-

zuye imukūye mu bapfuye, uzkizwa. Kuk' umutima ari wo umuntu yizeresha, akaronka ukugororoka: kand' akanwa akaba ari ko yāturisha, akaronka agakiza.

1 Yohana 2:23

Umuntu wese ahakana Umwana, na Data wa twese ntamufise: uwemera Umwana, afise na Data wa twese.

Luka 9:26

Kuk' umuntu wese bizotera isoni kunyemera no kwemera amajambo yanje, n'Umwana w'umuntu bizomutera isoni kumwemera, ah' azozira afise ubgiza bgiwe n' ubga Se n'ubg' abamarayika bera.

Abanyefeso 6:11

Mwambare ibirwanishwa vyose vy'Imana, kugira ngo mushobore guhagarara mudatsinzwe n'ubungunge bga wa Murwanizi.

1 Petero 5:8

Mwirinde ibiboreza, mwame mugavye: umurezi wanyu, ari we wa Murwanizi, agendagenda nk' intambge yivuga, arondera uwo arotsa.

Matayo 4:1 na 10, 11

Buno Yesu adūganwa na Mpwemu mu bugaragwa ngw age-ragezwe n'Umurwanizi. . . Buno Yesu aramubgira, ati Mvako, Satani, kuko vyanditswe, ng' Uho-

raho, Imana yawe, abe ari yo usenga, kand' abe ari yo usaba yonyene. Maz' Umurwanizi aramureka, kand' abamarayika baraza, baramukorera.

Ivyakozwe N'intumwa 26:18

Kubahumūra amaso kugira ngo bahindukire bave mu mwiza baje mu muco, bave no mu bubasha bga Satani baje ku Mana, bateko baharirwe ivyaha vyabo, baraga nwe n'abejejwe n'ukunyizera.

2 Ab'i Tesalonike 2:9

Ukuza kw'uwo mugarariji kuri mu buryo bg'inkomezi za Satani, kuri n'ubushobodzi bgose n'ibimenyetso n'ibitangaza vy'ibinyoma.

UGUTSINDA SATANI

Abaheburayo 2:14

Nuko rero, kukw abama bahūje inyama n'amaraso, na we ubgiwe yahūje ivyo na bo, kugira ngw abone ukw apfa, kand' urupfu rwiwe aruhindurishe ubusa ūfise ubushobodzi bg'urupfu, ni we wa Murwanizi.

1 Yohana 3:8

Ūkora ivyaha n'uwa wa Murwanizi, kuk' uhereye ubga mbere na mbere uwo Murwanizi yamye akora ivyaha. Icatumye Umwana w'Imana ahishurwa ngiki: n'ukugira ngw asangangure ibikorwa vy'Umurwanizi.

Abaroma 8:35, 37

Ni nde azodutandukanya n'uru-kundo rwa Kristo? Mbega n'amarushwa, canke n'ivyago, canke n'uguhamwa, canke n'nzara, canke n'ukwambara ubusa, canke n'ukuba mw irinde, canke n'inkota? . . . Ariko mur' ivyo vyose turushishwaho kunesha n'uwendukunze.

Yakobo 4:7, 8a

Nuko mugamburukire Imana, ariko murwanye wa Murwanizi, na we azobahunga. Mwiyegezeze Imana, na yo izobēgēra.

URUKUNDO RWEREKANA ABIGISHWA BA YESU NYAKURI

Yohana 13:35

Ni mwagifiranira urukundo,
ni ho bose bazomenya ko mur'
abigishwa banje.

1 Ab'i Korinto 13:1

Naho novuga indimi z'abantu
n'iz' abamarayika, ariko ntagira
urukundo, noba ncitse umuringa
uvuga, cank' icuma kivuzwa ki-
gasāma.

Yohana 21:16

Yongera kumubaza ubugira kabiri,
ati Simoni, mwene Yohana,
mbeg' urankunda? Na we at'
Ego, Mugenzi, wewe urazi ko

nkunogera. Aramubgira, ati Ra-
gira intama zanje.

1 Yohana 4:20

Umuntu ni yavuga, ati Nkunda
Imana, akanka mwene Data wu-
ndi, aba ar' umubeshi. Kuk' ūda-
kunda mwene Data yabonye ntashobora
gukunda Imana atābo-
nye.

Ab'i Galatiya 5:22, 23a

Arikw ivyo Mpwemu yama n'
urukundo, umunezero, amahoro;
ukwihangana, kugira neza, ingeso
nziza, kuba, umwizigirwa, ubu-
gwaneza, ukwirinda. . .

UKUZUKA KWA YESU KRISTO

Abaroma 4:25

Yatangiwe ibicumuro vyacu,
akazurwa kugira ngo dutsindani-
shirizwe.

Yohana 20:26-28

Maz' imisi munani ishize abigishwa bari mu nzu ukundi gusha, na Toma bari kumwe. Yesu araza, inzugi zari zugaye, abahagarara hagati, at' Amahoro abe muri mwebge. Maz' abgira Toma, ati Zana hano urutoke rwawe, urabe ibiganza vyanje; zana n'urushi, urashire mu rubavu rwanje, nta co uba utizera, arik' ube uwizeye. Toma aramwishura, ati Mwami wanje, kandi Mana yanje.

Yesu aramubgira, ati Wijejwe n'uk' umbonye. Hahirwa abatinze kubona, yamara bakizera.

Ivyakozwe N'intumwa
10:39-41

Natwe tur' ivyabona vyo gushingira intahe ivyo yakoze vyose mu gihugu c' Abayuda, bo n'i Yerusalemu, umwe bishe, bamumanitse ku giti. Uyo, Imana iramuzura ku musi ugira gatatu, imuha guserurwa ahibonekeza, s'imbere y'abantu bose, arikw imbere y'ivyabona vyatoranijwe n'Imana ivyo bitarabaho, ni twebge, abasangira na we, turya kandi tunywa, amaze kuzuka mu bapfuye.

Matayo 16:21

Kuva ubgo Yesu atangura gu-serurira abigishwa biwe kw akwi-ye kuzoja i Yerusalemu no kuzo-babazwa uburyo bginshi n'aba-shingantahe n'abaherezi bakuru n'abanyabgenge b'ivyanditswe, no kuzokwicwa, no kuzozurwa ku musi ugira gatatu.

Abaroma 6:3-5

Canke ntimuzi yuko twese abā-batirijwe kuba muri Kristo Yesu, twabatirijwe kuba mu rupfu rwi-we? None rero kubatzwa kwa-tumye duhambanwa na we tuba mu rupfu rwiwe, kugira ngo, nk'uko Kristo yazuwe mu bapfuye

n'ubgiza bga Data wa twese, abe ari ko natwe tugendana ubugingo busha. Ko twakoranijwe na we n'igishushanyo c'urupfu rwiwe, tuzokoranywa na we n'ic' ukuzu-ka kwiwe na co.

Yohana 5:25 na 28. 29

N'ukuri, n'ukuri ndababgire: Igihe kiza, kandi kirashitse, ah' abapfuye bazokwumvira ijwi ry' Umwana w'Imana, kand' abazo-ryumva bazoba bazima. . . Nti-mutangazwe n'ico; kukw igihe kija kuza, ah' abari mu mva bose bazokwumvira ijwi ryiwe, baka-zivamwo; abākoze ivyiza bakazu-kira ubugingo, abākoze ibibi ba-kazukira gucirwakw iteka.

KWEREZWA UHORAHO

2 Ab'i Korinto 7:1

Nuko bakundwa, ko dufise iyyo vyasezeranywe, twiyuhagire ubuhumane bgose bg'umubiri n' ubg' umutima, kuba abera tugushikishe kwubaha Imana.

2 Timoteyo 2:21

Umuntu ni yiyeza, akitanduka-nya n'ivyo, azoba igikoreshwa c'icubahiro, cejejwe, kigirira nye-ne co ikimazi, catunganirijwe igikorwa ciza cose.

1 Petero 1:2

Mwatoranirijwe mu kweza kwa Mpwemu nk'ukw Imana Data wa twese yabamenye uhereye kera, kugira ngo mwumvire Imana,

mucucagirwe amaraso ya Yesu Kristo. Ubuntu n'amahoro biguire muri mwebge.

1 Petero 1:15

Ariko nk'ukw Iyabahamagaye ar'iyera, namwe abe ari ko muba abera mu ngeso zanyu zose.

2 Timoteyo 2:15

Wame ugira umwete wo kwiha Imana nk'uwamaze kurama, umukozi atarinda gutērēwa, aramiriza neza mw ijambo ry'ukuri.

Luka 1:74, 75

Kw izoduha gukizwa amaboko y'abansi bacu, Tukayisenga ata bgoba, Tur' abera tugororoka mu nyonga zayo imisi yacu yose.

KWEREZWA UHORAH

1 Yohana 1:9

Ni twatura ivyaha vyacu, ni yo yo kwizigirwa kand' igororoka, ivyo ni vyo bituma iduharira ivyaha vyacu, ikatwoza ukugabitanya kwose.

Yesaya 35:8

Kandi hazobay' inzira y'iroro, iyo nzira izokwitwa Inzira Yera. Abanduye imitima ntibazoyicamwo, arikw izoba iy'abantu biwe. Abayicamwo, naho hobamw' ibijuju, ntibazozimira.

Abaheburayo 13:12

Ni co catumye na Yesu ababrizwa inyuma y'irembo, kugira ngo yezeshe abantu ayiwe maraso.

Abanyefeso 1:4

Nk'uko yadutoranirije muri we, itanguriro ry'isi ritarashirwaho, kugira ngo tube abera tutagira agasembga imbere yayo, turi mu rukundo.

2 Petero 3:11

None, kw ivyo vyose bizoshonga birtyo, mukwiye kumera mu te mu ngeso zera no mu kwubaha Imana.

Matayo 3:11

N'ukuri jeho ndababatiza mu mazi ngo mwihane; arik' ūzoza hanyuma yanje andusha ubushobzi, ntibimbereye no kumutwaza inkweto. Uyo azobabatiza muri Mpwemu Yera no mu muriro.

ABANTU BUJUJWE MPWEMU YERA

Ivyakozwe N'intumwa 11:24
 Kuko yar' imico myiza, yuzuye
 Mpwemu Yera n'ukwizera. Aba-
 ntu benshi bagwirirana ku Mwa-
 mi Yesu.

Abaroma 8:9

Ariko mweho ntimuganzwa n'
 akameremere k'umubiri, ariko
 muganzwa n'impwemu, bisanzwe
 Mpwemu w'Imana aba muri mwe-
 bge. Arikw iy' umuntu adafise
 Mpwemu wa Kristo ntaba ar'
 uwiwe.

Luka 11:13

None mwebge, ko muzi guha
 abana banyu ingabire nziza muri
 babi, mbega So wo mw ijuru

ntazorushiriza rwose guha Mpwe-
 mu Yera abamumusavye?

Ezekiyeli 36:27
 Kandi nzobashiramwo Mpwe-
 mu wanje, ndabagendeshereze
 mu vyagezwe vyanje, namwe mu-
 zokwitondera amabgirizwa yanje,
 muyashitse.

Ivyakozwe N'intumwa 4:31
 Bahejeje gusenga, aho bakora-
 niye haratigita, bose buzuzwa
 Mpwemu Yera, bavuga ijambo
 ry' Imana bashize amanga.

Ivyakozwe N'intumwa 1:8a
 Ariko muzohabga ubushobozi,
 Mpwemu Yera ni yabazako, mu-
 zoba ivyabona vyo kunshingira...

Abaheburayo 12:7a

Ico mukwiye kwihanganira n'
ugutozwa indero nziza. . .

Zaburi 34:18

Uhoraho aba hafi y'abafise
imitima imenetse, Kand' akiza
abafise imitima ijanjaguritse.

Ivyahishuriwe Yohana 21:4

Izohanagura amosozi yose ku
maso yabo, kand' urupfu ntiru-
zoba rukiriho, kand' amaborogo
no gutaka n'uburibge ntibizoba
bikiriho: kukw ivya mbere bi-
shize.

Yesaya 66:2

Kukw ivyo vyose intoke zanje
ari zo zabiremye, bikabaho vyose,

ni k' Uhoraho agize; arik' umuntu
w'impahazwa afise umutima ume-
netse, agahindishwa agashitsi n'
ijambo ryanje, uwo ni we nzoho-
zakw ijisho.

1 Petero 4:12, 13

Abo nkunda, umuriro uri ha-
gati yanyu wo kubagerageza ntu-
kabatangaze, nk'aho mubonye
akatābonetse. Ariko munezerezwe
n'uko mufatanije n'imibabaro ya
Kristo, kugira ngo no mu gihe
co guhishurwa kw'ubgiza bgiwe
muze munezerwe muhimbarwe.

Zaburi 37:3

Wizigire Uhoraho, ukore ivyiza,
Guma mu gihugu, ushishikare
ivy' ukuri.

IVYASEZERANIWE ABAGERAGEZWA

2 Ab'i Korinto 4:17

Kukw amarushwa yacu ahwa-hutse y'akanya ka none yiyongeranije cane kudushikiriza ubgiza buremereye bg'ibihe bidashira.

Abaheburayo 2:18

Kuk' ubgiwe ko yababajwe no kugergezwa, ashobora no gutabara abageragezwa.

Zaburi 34:19

Amarushwa y'umugororotsi ni menshi, Arik' Uhoro ayamukiza yose.

Yesaya 43:2

Ni waca mu mazi nzoba ndi-kumwe nawe, no mu nzizi ntizi-

zokurengera; ni waca mu muriro ntuzosha, kandi n'urubeya ntiruzokubabura.

Abaroma 8:28

Kandi turazi yuko ku bakunda Imana vyose bifataniriza hamwe kubazanira ivyiza, abahamagawe nk'uko yabigabiye.

1 Ab'i Korinto 10:13

Nta cabagerageje kitar' ic' umuntu yoshobora kwihanganira: arikw Imana n'iyo kwizigirwa ntizobakundira ko mugergezwa n'ibiruta ivyo mushobora, ariko hamwe n'ikibagerageza izobacira icanzo, kugira ngo mubone ingene mushobora kucihanganira.

Ivyahishuriwe Yohana 21:7
Ūnesha azoragwa ivyo, nanje
nzoba Imana yiwe, na we azoba
umwana wanje.

Ivyahishuriwe Yohana 3:5
Ūnesha azokwambikwa artyo
impuzu zera, kandi sinzosibanga-
nya izina ryiwe mu gitabo c'ubu-
gingo na mba, kandi nzokwatura
izina ryiwe imbere ya Data, n'i-
mbere y'abamarayika biwe.

Ivyahishuriwe Yohana 3:12
Ūnesha nzomugira inkingi yo
mu rusengero rw'Imana yanje,
kandi ntazosohoka ukundi, nanje
nzomwandikakw izina ry'Imana

yanje, n'iry' umurwa w'Imana
yanje, ni wo Yerusalemu mosha,
wururuka uvuye mw ijuru ku
Mana yanje, kandi nzomwandik-
akw izina ryanje risha.

Ivyahishuriwe Yohana 2:7
Ūri n'ugutwi ni yumve ico
Mpwemu abgira amashengero.
Ūnesha, nzomuha kurya ku vya-
mye ku giti c'ubugingo kiri muri
Paradiso y'Imana.

Ivyahishuriwe Yohana 3:21
Ūnesha, nzomuha kwicarana
nanje ku ntebe yanje y'ubgami,
nk'uko nanje nanesheje nkicarana
na Data ku ntebe yiwe.

46 IMANA ITUBGIRA IVYEREKEYE UKWAHUKANA

Matayo 5:32

Ariko jeho ndababgira yuk' umuntu wese yirukana umugore wiwe atamuhöye ubusambanyi, aba amusambanishije: kand' uwābīra uwahukanye azoba asambanye.

Luka 16:18

Umuntu wese yirukana umugore wiwe, akābīra uwundi, aba asambanye; kandi n'uwbīra umugore yahukanye n'umugabo wiwe aba asambanye.

Abaroma 7:2, 3

Kukw ivyagezwebihambirira umugore ku mugabo wiwe, akiriho: arik' umugabo wiwe iy' apfuye,

ye, umugore aba ahamburuwe ngo ntaganzwe na we. None rero, umugabo wiwe akiriho, yokwābīrwa n'uwindi mugabo, yokwitwa umusambanyikazi: arik' umugabo wiwe iy' apfuye, ntaba akganzwa n'ivyagezwe, bituma atoba umusambanyikazi, naho yokwābīrwa n'uwindi mugabo.

1 Ab'i Korinto 7:10, 11

Abamaze kurongorana, ndabagera, ariko si jewe, n'Umwami wacu, umgore yoye kuvana n'umugabo wiwe; arikw aramutse avanye na we, abe igisubiramuhira, canke yisubize hamwe n'umugabo wiwe. Kand' umugabo yoye guta umugore wiwe.

Ivyahishuriwe Yohana 3:11

Ngira nze vuba: wumire ku co
ufise, ntihagire ūgutwara igitsibo
cawe.

Mariko 8:38

Kuk' umuntu wese bizotera iso-
ni kunyemera no kwemera ama-
jambo yanje mur' iki gihe c'ubu-
sambanyi kandi c' ikinyavyaha, n'
Umwana w'umuntu bizomutera
isoni kumwemera, ah' azozira
afise ubgiza bga Se, azananye n'
abamarayika bera.

Yakobo 5:8

Nuko namwe mwihangane,
mureme mu mitima, kuk' ukuza
kw'Umwami kuri hafi.

Matayo 24:27

Nk'uk' umuravyo urabiriza i
burasirazuba ukabonekera iyo
rirengera, ni k' ukuza kw'Umw-
na w'umuntu kuzomera.

Matayo 24:30

Bun' ikimenyetso c'Umwana
w'umuntu kizobonekera kw ijuru,
ni ho amoko yose yo mw isi azo-
boroga, bazobona Umwana w'
umuntu aje mu bicu vyo kw ijuru
ari n'ububasha n'ubgiza bginshi.

Yohana 14:3

Kandi ko ngiye kubategurira
ahanyu, nzogaruka kubajana i
wanje, ngw aho ndi namwe abe
ari ho muba.

1 Yohana 3:2

Abo nkunda, none tur' abana b'Imana, arik' uko tuzomera ntikurahishurwa; ico tuzi, n'uko Yesu ni yahishurwa tuzosa na we, kuko tuzomurāba ukw ari.

Ivyahishuriwe Yohana 16:15

Ehe ndaza nk'igisuma. Hahirwa ūba maso, akazigama impuzu ziwe, ngo ntagende amēnya, bakabona isoni z'ubgambure bgiwe.

Ivyakozwe N'intumwa 1:11

Barababaza, batî Yemwe bagabo b'i Galilaya, n'iki gitumye muhagaze murāba mw ijuru? Uyo Yesu, abakūwemwo, akadūzwa

mw ijuru, azoza artyo, nk'uko mumubonye aja mw ijuru.

Luka 21:27

Ni ho bazobona Umwana w'umuntu aje mu gicu, ari n'ububa-sha n'ubgiza bginshi.

Luka 12:40

Namwe mwame mwiteguye, kuk' Umwana w'umuntu azoza mu gihe mutiyumviriye.

Matayo 16:27

Kuk' Umwana w'umuntu azohava aza afise ubgiza bga Se, azananye n'abamarayika biwe; ni ho azoca yishura umuntu wese ibikwirnye n'ivyo yakoze.

IJAMBO RY'IMANA

Zaburi 119:11

Nabitse ijambo ryawe mu mutima wanje Ngo noye kugucumurako.

Gusubira Mu Vyagezwe 4:2

Ntimuze mwungurire ku vyagezwe mbagera, canke ngo mubigabanye, kugira ngo mubone kwitondera ivyagezwe vy'Uhoraho Imana yanyu mbagera.

Matayo 22:29

Yesu arabishura, ati Mwarazimiye, ko mutamenye ivyanditswe n'ubushobodzi bg'Imana.

2 Petero 1:21

Kukw ata jambo ry'abavugishwa n'Imana ryazanywe no ku-

gomba kw'umuntu, arikw abantu bāvuga ivyava ku Mana, barōngōwe na Mpwemu Yera.

Zaburi 119:105

Ijambo ryawe n'itara rimurikira ibirenge vyanje, N'umuco umurikira mu nzira yanje.

2 Timoteyo 3:16

Ivyanditswe vyose vyahumetswe n'Imana, kandi bigira ikimazi co kwigisha umuntu, no kumuhana, no kumutunganya, no kumutoza indero nziza mu kugororoka.

Luka 21:33

Ijuru n'isi bazorangira, arikw amajambo yanje nta co azoba.

Text reprinted from the Bible in Kirundi by permission of the British and Foreign Bible Society, London.

Published in numerous languages by the World Missionary Press as God supplies funds in answer to prayer. Other booklets are also available. If you would like more copies for careful distribution, please write in English, if possible. Specify which language or languages you need for your area, and what quantity of each you can prayerfully use.

World Missionary Press, Inc.
Box 120
New Paris, Indiana 46553 U.S.A.

Burundi

102 Kirundi
Printed in USA